



Møtebok

Sak nr 41/2009

Møtedato: 9.9.09

Møtestad: Slidretun

Arkiv nr:

Godtgjersle for styret

Anne Live Garvik søker om å få dekket omsorgsgodtgjersle til barnepass i samsvar med kommunale satsar, dvs 140 kr/t for 2008. Fjellstyret har ein omsorgsgodtgjersle på 83 kr/t. For udokumentert tapt arbeidsforteneste er satsen 132 kr/t. Møtegodtgjersle er 440 kr/møte. Møtesats for kommunen er kr 525.

Fjellstyret si godtgjersle blir fastsett av kommunestyret etter framlegg av fjellstyret. Godtgjersle vart revidert i 2004 og er årleg indeksregulert. Fjellova § 7: *Fjellstyremedlemene skal ha ei rimeleg godtgjersle for arbeidet. Godtgjersla vert fastsett av kommunestyret etter framlegg frå fjellstyret, og vert utgreia av fjellkassa, jfr. § 11.*

Saka vart utsett i møte den 28.1.09 i påvente av gjennomgang av kommunale reglar. I sak 4/09 har kommunen vedteke nye reglar. Det vart berre gjort mindre endringar med omsyn til reisegodtgjersle for midlertidig busette utanfor kommunen.

Gjeldande regelverk for godtgjersle til fjellstyret:

1. Møtegodtgjersle.

Dag- og kveldsmøte, befarung, kurs o.l. blir godtgjort med kr 400,- pr. møte. Møtegodtgjersle inkluderar førebuing til møtet.

2. Godtgjersle til fjellstyreleiar.

Fjellstyreleiar skal ha fast årlig godtgjersle på kr 15.000,- pr. år. Redusert leiargodtgjersla skal gjelde frå 2003.

3. Vederlag for tapt arbeidsinntekt.

Legitimert tap i inntekt for møte som gir godtgjersle etter punkt 1, blir dekket fullt ut.

Som legitimasjon for tap i inntekt må det leggjast fram attest frå arbeidsgivar.

Tap i inntekt som ikkje kan legitimerast dekkast med kr 120 pr. time inntil 7,5 timar pr. dag. Alternativt kan tap i inntekt reknast etter skattbar inntekt året før (240 dagar/1800 timar).

Offentlig tilsette må ta ut dei avtalefesta rettane til fri med lønn før legitimert godtgjering blir gitt.

Krav om tap av inntekt må rettast skriftlig til administrasjonen.

4. Omsorgsgodtgjersle.

Medlemmer som under møte/befarung må ha tilsyn med barn under 12 år, sjuke familiemedlemmer, funksjonshemma eller eldre skal ha kr. 75,- pr. time i omsorgsgodtgjersle pr. møte.

Som legitimasjon for omsorgsgodtgjersle må det leggjast fram attest frå leigd hjelp. Krav om omsorgsgodtgjersle må rettast skriftlig til administrasjonen.

5. Reisegodtgjersle.

Bruk av eigen bil blir godtgjort etter statens satsar. Utgifter til andre transportmidlar dekkast av fjellkassa. Medlemmene må skrive ut eigen reiserekning.

6. Regulering av satsar.

Reglane skal gjelde frå 1.1.04 med unntak av punkt 2 som skal gjelde frå 1.1.03. Satsane skal regulerast årleg etter endring av konsumprisindeksen og avrundast til næraste heile krone.

Kommunale reglar vedteke i sak K 04/09:

1. Fast årleg godtgjersle

1.1 Ordførar

Ordføraren skal ha ei fast årleg godtgjersle i % rådmannen si årsløn. Prosentsatsen skal tilsvare den tida ordføraren brukar på vervet. Denne godtgjersla dekkjer møtegodtgjersle og erstatning for tap i arbeidsinntekt.

1.2. Varaordførar

Varaordførar skal ha ei fast godtgjersle på 5% av den løna rådmannen har.

Når varaordførar gjer teneste som ordførar over lengre tid, skal han/ho ha godtgjersle som tilsvarar den satsen som gjeld ordførar.

1.3. Formannskapet

Medlemmene i formannskapet, med unntak av ordførar og varaordførar, skal ha ei fast årleg godtgjersle tilsvarande 4% av rådmannen si løn.

1.4. Utvalsleiarar

Utvalsleiarar skal ha slik fast godtgjersle, rekna etter den løna rådmannen har:

- utval med over 12 møte pr. år - 2%
- utval med 6-12 møte pr. år - 1%
- utval med 1-6 møte pr. år - 0,5%

2. Møtegodtgjersle

Medlemmene i kommunestyret og kommunale utval skal ha ei møtegodtgjersle på 1 promille av rådmannen si årsløn.

Ved møte på kveldstid har ordførar rett til avspasering time mot time.

Reglane om møtegodtgjersle gjeld også ved synfaringar og liknande.

3. Reisegodtgjersle

Utgifter til skyss, kost og overnatting ved reiser i samband med ombodet blir godtgjort etter satsane i det kommunale reiseregulativet.

Kommunen vil normalt også dekke reisekostnadane for dei som oppheld seg utanfor kommunen pga arbeid, utdanning eller avtening av verneplikt ol.

4. Vederlag for tapt arbeidsforteneste

Legitimert tap i ordinær inntekt som ombodet fører med seg blir dekka fullt ut, inntil eit beløp tilsvarande 6 promille av årsløna til rådmannen.

Ulegitimert tap blir dekka inntil eit beløp tilsvarande 2 promille av årsløna til rådmannen.

Heimearbeidande, studentar, pensjonistar og personar som arbeider frilans m v kan krevje slik dekking.

5. Omsorgsgodtgjersle

Folkevalde som under møte/synfaring må ha særleg tilsyn med born under 12 år, sjuke familiemedlemmer, funksjonshemma eller eldre kan få omsorgsgodtgjersle pr møte på inntil 2 promille av årsløna til rådmannen.

6. Pensjon

Kommunen dekkjer pensjonsordning for ordføraren.

I sak 13/09 gjorde fjellstyret slikt vedtak:

Kari Tyldum og Kjell Magne Snortheimsmoen legg fram utkast til nytt reglement for møtegodtgjersle til neste møte.

Arbeidsgruppa la fram utkast til reglement som følgjer kommunen sitt regleverk og at fjellstyreleiaren får ei årleg godtgjersle på 3,5 % av rådmannen si årslønn.

Vedtak:

Med heimel i § 7 i fjellova tilrår fjellstyret at kommunen vedtek at fjellstyret følgjer kommunalt reglement for godtgjersle og at fjellstyreleiaren får ei årleg godtgjersle på 3,5 % av rådmannen si årslønn.

Einstemmig vedtak.

Vestre Slidre fjellstyre den 21.9.09

Harald Ranum
sekretær

Utskrift: Vestre Slidre kommune